



Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuissimiè explicantur

Gavanti, Bartolommeo

Antverpiæ, 1646

De Sabbato sancto. X.

urn:nbn:de:hbz:466:1-40214

De Sabbato sancto. X.

Sabbatum hoc antonomasticè appellatur sanctum, quia ad suscipiendam sancti luminis claritatem noua Ecclesia sacro Baptismi fonte sanctificatur, *Ruper. lib. 6. cap. 25.* vel quia Sanctus Sanctorum quieuit in sepulchro, *Alcuin. nullum habet Officium propriè: nam Officium noctis* erat sequentis, ut patet ex benedictione Cerei, *Hac nox est, &c. & ex Collecta Missæ, Duran. lib. 6. cap. 78.* ieiunium autem omnino seruandum est, *ex lib. 6. Constit. Apost. cap. 24.*

Videamus Rubricas eiusdem, & de more nostro, minutoribus additis, eas explicemus.

2 Horae competentiæ cooperiuntur Altaria, & dicuntur Horæ, candelis Altaris extinctis usque ad principium Missæ. Interim^b excutitur ignis de lapide foris Ecclesiam, & ex eo accenduntur carbones. ^c *Dicta Nona, Sacerdos induitus Amictu, Alba, Cingulo, Stola, & Pluiali violaceo, vel sine Casula, d astantibus sibi ministris cum Cruce, Aqua benedicta, & incenso, e ante portam Ecclesie, si commodè potest, vel in ipso aditu Ecclesie, benedicit nouum ignem f dicens, &c.*

a Cooperiuntur Altaria.] Haber Duran. lib. 6. cap. 85. quia Christus in resurrectione stolam gloriæ induit. Sed conuenit duplii pallio vestiri Altare maius, violaceo nimis super album, ita, ut remoueri citò queat violaceum circa finem Litaniarum, *Cerimon. Episc. lib. 2. cap. 27.* super Altare candelæ erunt ex cera alba. Cereus etiam benedicendus collocabitur cum suo candelabro in latere Euangeli, *Cerim. Episc. ubi suprà: ante Cereum legile vestitum ueste alba, & super illud Missale non apertum.*

b Excuditur ignis de lapide.] Ignis de Christo, qui lapis est in caput anguli, *Honor. in Gemma lib. 3. cap. 100.* & antiquus ignis extinguendus est, ut lex finem habeat. Ante Zachariæ Papæ tempora, Romæ nouus ignis ex lampadibus seruatis in Feria quinta sumebatur, ut scribit Baron. anno 751. ex litteris Zacharie eodem anno datis. Ri-

tus ergo noster post eundem annum.

c Dicta Nona.] Non ante Horam nonam, Vrbani II. Decreto apud Bar. ron. anno 1095.

d Astantibus sibi ministris.] Ministri debent esse in violaceis, sine Manipulis, ut 1. par. tit. 19. num. 6 & 7. pag. 68. ^{70.} Crucem gestare debet Subdiaconus, quem præcedunt Acolyti tres, cum Aqua benedicta, thuribulo sine igne cum nauicula, & peluicula cum quinque granis incensi; & hoc eodem ordine præcedunt ad portam.

e Ante portam Ecclesie.] Extra portam passus est Christus. Exeamus ad eum, inquit Paulus, ut eum explicat de hoc ritu loquens Durand. cap. 80. Crux cum Subdiacono sit in porta ante faciem Celebrantis, ignis autem in foculo super aliquod scamnum coram Celebrante; ubi etiam forcipes ferrei, & candelulae cum lignis sulphuratis parari debent.

f Di-

^f Dicens.] Manibus iunctis. Et quando est benedicturus manu ignem Diaconus eleuet fimbriam Pluialis, & grana incensi.

³ Deinde benedit quinque grana incensi ponenda in Cereo, dicens absolute hanc Orationem.

Quidam addunt aliam incensi quantitatem vna cum quinque granis benedicendam; sed ad quid? An, ut ea deinde in nauiculam immittatur denuo benedicenda à Celebrante, ut adoleat ignem, & grana? superfluit hæc duplex incensi benedictio, & præter Rubricam. De hisce gra-

nis apertè meminit Rupert. loco citato cap. 31. & significari docet aromata à mulieribus empta, ut vnguent lesum.

Celebrans non dicit Oremus, quasi coniungens nouam benedictionem incensi cum præcedenti benedictione ignis.

⁴ Dum benedit grana incensi, Acolythus assumens de carbonibus benedictis ponit in thuribulo. & finita Oratione supradicta, ⁵ Sacerdos de nauicula ponit incensum in thuribulo, benedicens illud more solito: deinde predicta grana incensi & ignem ^h ter aspergit aqua benedicta, dicens: Asperges me, sine cantu, & sine Psalmo, & ⁱ ter adoleat incenso. Interim omnia luminaria Ecclesiae extinguuntur, ut de igne benedicto postmodum accendantur.

^g Sacerdos de nauicula.] Supple, à Diacono de more ministrata; qui & ministrat cum osculis aspersorium & Thuribulum Celebranti.

^h Ter aspergit.] In medio, à dextris rerum benedictarum, & à sinistris earumdem.

ⁱ Ter adoleat.] Nimirum, ut aspersit.

⁵ Tum Diaconus ¹ indutus Dalmatica albi coloris, accipit ^m arundinem cum tribus candelis in summitate illius triangulo distinctis. ⁿ Præcedit Thuriferarius ^o cum Acolytho deferente in vase quinque grana incensi: ^p sequitur Subdiaconus cum Cruce, & Clerus per ordinem: deinde ^q Diaconus cum arundine, post eum Celebrans. Cum Diaconus ingressus est Ecclesiam, inclinat arundinem, & Acolythus deferens candelam accensam de novo igne, accendit vnam ex illis tribus candelis desuper positis: & Diaconus eleuans arundinem genuflectit, similiter & omnes alij cum eo, præter Subdiaconum Crucem ferentem: & cantat solus, Lumen Christi. ^{Rz.} Deo gratias. Et procedens ad medium Ecclesiae, ibi accenditur alia candela: & iterum genuflexus, ut supra, altius cantat, Lumen Christi. ^{Rz.} Deo gratias. Tertiò procedit ante Altare, ubi accenditur ^{tertia}

*tertia candela: & rursus genuflexus ut prius, adhuc altius dicit,
Lumen Christi. Re. Deo gratias. Deinde Celebrans ascendit ad Altarē in cornu Epistolæ, & Diaconus dat arundinem vni Acolythō:
& accipiens librum, petit à Celebrante benedictionem, ut sit ad Eu-
angelium, Sacerdote dicente, &c.*

A consecratione luminis incipitur Paschalis solemnitas, quia æternæ lu-
cis contulit claritatem, *Raban. lib. 2.
cap. 38. idem innuit Conc. Tolet. IV.
can. 8.*

*Indutus Dalmatica.] Ex Ord. Rom.
Cur autem ad Diaconum spectat pro-
xima Cerei benedictio, etiam præ-
sente Sacerdote? *Rupert. lib. 6. cap. 30.*
Inferioris, ait, ministri est annuntiare
Christi resurrectionem, sicut inferior
mulierum sexus Apostolis ipsis eam-
dem nuntiavit; vel quia Angelum
significat, qui mouebat Hebræis Co-
lumnam nubis & ignis, quam indicat
Cereus, ut dicemus, *Gemm. loc. citat.
cap. 102.* Dalmatica festiva est, & ideo
congruit benedictioni Cerei: *Exultet
iam, &c.* Accipit etiam Manipulum
Diaconus, *ex Cerimon. Episc. lib. 2.
cap. 28.**

*m Arundinem cum tribus cande-
lis.] De arundine cum Cereo in ea-
dem satis aperta est mentio in Ord.
Rom. non tamen de tribus candelis:
neque interpretes Ordinis Romani
quidquam indicant de arundine ipsa.
Candelæ in calce vnum quid esse de-
berent, & deinde distingui in tres, ad*

designandum mysterium unitatis &
Trinitatis Dei. Fortasse significat arun-
do humilitatem passionis Christi, ex
qua in fine patuit maior gloria unitatis
& Trinitatis Dei. Patuit autem vel-
uti lumen Christi, qui in Trinitate est
Deus. Vel, ex Athanas. de Passione,
sicut arundo serpentes necat; ita passio
Christi diabolum vicit. Soler ornari
floribus: sed ita ornetur, ut appareat
ex parte arundo, non baculus, seu
quid aliud.

*n Precedit Thuriferarius.] Posito
prius incenso à Celebrante in Thuri-
bulum more solito.*

*o Cum Acolyto deferente, &c.]
Nempe à dextris Thuriferarij.*

*p Sequitur Subdiaconus.] Et hic
etiam cum Manipulo, ex Cerim. Episc.
loco cit. coloris autem violacci.*

*q Diaconus cum arundine.] Ad cu-
ius sinistram eat Acolythus cum can-
dela accensa de nouo igne, &, si opus
est, intra laternam, ne à vento extin-
guatur in Procesione.*

*r Diaconus ingressus.] Et cum in-
gressus est etiam Celebrans post eum
(non ante) inclinet arundinem; ut Ce-
lebrans quoque genuflectat in Ecclesia.*

*s Postea vadit ad pulpitum, & ponit super eo librum, & incensat. A dex-
tris Diaconi stent Subdiaconus cum Cruce, & Thuriferarius: à
sinistris, duo Acolythi, ille qui tenet arundinem, & alius tenens
in vase quinque grana incensi benedicta figenda in Cereo. Tunc,
surgentibus omnibus, &stantibus, ut sit ad Euangeliū, *t Dia-
conus cantat.**

f Diaconus cantat.] Non signat librum, neque scipsum: neque imponitur incensum de nouo in thuribulo; quod notasset aliquis Ritualis liber, si de nouo imponendum esset. Et verè sufficit impositio incensi facta semel, & proximè in ordine ad *Lumen Christi*, & Cereum. Ministri verò hinc inde stantes respiciunt librum, ut Diaconus rectam quasi efformāt es lineam cum Diacono medio; ita tamen, ut latera, non terga, vertant Altari.

7 Quod attinet ad benedictionē Cerei magni, Ordo Roman. habet, Exultet iam, &c. dicitur esse S. Ambrosij ab Honor. in Gemmalib. 3. cap. 102. Sed, excepto proemio, discordat nostra ab Ambrosiana, ut videre est in Missali Ambros. tribuitur S. Aug. in Missali Goricho Tom. 6. Bbl. Patrum.

Cereus autem benedicitur, ex decreto Zosimi Papæ, Alcuin, sed Prudentius ante Zosimum cecinit Hymnum de hoc Cereo. Martinus Polonus auctore facit Theodorum I. anno 643. Baron, anno 418. docet, concessisse Zosimum, ut etiam in Parochijs benedici posset, nedum in Ecclesijs principalibus.

8 Significatautem Cereus Christum resurgentem; & quidem cera corpus, ellychnium animam, lumen deitatem designat, ex Duran, loco citato cap. 80. antequam verò illuminetur, repräsentat Columnam nubis, illuminatus autem, Columnam ignis, quæ præcedit Catechumenos hodie transeuntes per mare Baptisni, idem Duran. ibidem. Crucis figura in Cereo solet inscribi, ut Christum demonstret Crucifixum, Ruper. lib. 6. cap. 29. sed grana quinque incensi in formam Crucis in eo confixa idem sonant, & aperte plagas eius quinque, ex eodem Duran.

9 Ordo figendi grana est, ut primum in superiori parte, alterum in media, tertium in inferiori, quartum in dextra Cerei, quintum in sinistra.

10 Habet etiam mysterium, quod Diaconus accedit Cereum non cum candelula, ut aliqui scripsere, sed immediate (ait Rubrica) cum una ex tribus candelis in arundine positis. Dicetem ego, tacentibus alijs, sicut tres illæ candelæ inclinantur versus Cereum, & cum una tantum ex ijs acceditur; ita Resurrectio Christi est effectus quidem totius Trinitatis, sed potissimum Verbi, quod animam carnifursum vniuit, & immortalitatis glorioſa luce vestiuit. Quam rationem afferebam Recognitoribus Missalis sub Clemente VIII. quando hic ritus fuit stabilitus, & fuit approbatus etiam in Carim. Episc. lib. 2. cap. 27.

11 Accenduntur deinde lampades, sumpto lumine à Cereo ipso, vel à candelis arundinis. Ut sicuti, ex Alcuino, Cereus significat nouam gratiam, & doctrinam Christi; ita ab eodem oriri demonstretur tum gratia, tum doctrina Apostolorum, qui sunt lux mundi. Et Christus ipse resuscitatus statim accedit in Apostolis ignem Spiritus sancti, quando insufflavit, & dixit, Accipite Spiritum sanctum, in ipso die Resurrectionis, Ruper. lib. 6. cap. 29.

12 In fine benedictionis Cerei, excepto Papa, Episcopo, & Imperatore, cui additur Electi titulus, si nondū est coronatus, nemo alijs nominari debet, inconsulta Sede Apostolica, quidquid scripsere alij, qui tamen hanc additionem pridie fieri prohibent. At quæ maior est ratio, cum Pius V. in sua Bulla additiones omnes prohibuerit? Sede Romana vel Episcopali vacante taceatur nomen Papæ, vel Episcopi.

13 Com-

13 Completa benedictione Cerei, Diaconus, depositis albis, sumit ^t violacea paramenta, & vadit ad Celebrantem: qui exuitur Pluviali, & sumit Manipulum & Casulam violacei coloris. Postea ^u leguntur Prophetiae sine titulo: & Celebrans legit eas submissa voce ad Altare in cornu Epistolæ. In fine Prophetiarum dicuntur Orationes modo subscriptio. Ante, vel interim dum Prophetiae leguntur, Presbyteri ^y catechizent Catechumenos baptizandos, & præparent ab Baptismum.

^t Violacea paramenta.] Iuxta titulum 19. 1. par. Rubr. nn. 6. & 7. pag. 68.

& 70. Crux deponatur in loco decenti; arundo stabiiliatur pede marmoreo præparato, non procul à Cero.

^u Leguntur Prophetiae.] In medio Chori, ait Carim. Episc. lib. 2. c. 27. vbi scilicet ab omnibus audiri queat Lectio. vnde non malè illi, qui in ambo-ne, vel ante Altare Prophetias legunt.

^x Sine titulo.] Tradit Ordo Roman. quia adhuc sine capite Christo, nondum visto ab Apostolis, videtur esse Ecclesia, Rupert. lib. 7. cap. 9. Vel tacentur tituli, ait Hugo Victorin. de Spec. Miss. obser. lib. 3. c. 24. ne Catechumenis de Gentilitate venientibus, Hebræorum auctorum nominibus auditis, Lectio-nes vilescant: vel ad repræsentandam cæcitatatem Catechumenorum, qui ne-sciant doctrinæ nostræ originem, Al-quin. leguntur autem ad instrucionem Catechumenorum, idem.

14 Porrò quatuor tantū legebantur in Ord. Rom. cum tribus Canticis. Pri-mus, qui meminit harum duodecim Lectionum, est Microl. cap. 53. & si-gnificant duodecim Apostolorum do-ctrinam, qua erudiuntur Catechume-ni, Honor. in Gemma lib. 3. cap. 108. Habentur in Sacramentario Gregorio-no è nostris prima, 3. 9. 4. 5. 8. 10. & hoc eodem ordine. Lectores autem non osculantur in fine manum Cele-

brantis, neque recedunt nisi dicto Le-nate à Subdiacono.

15 Cantica tria, sive Tractus, sunt eadem quæ in Antiphonario Gregoria-no, Ordine Rom. & apud Amalar. lib. 1. cap. 22 tamen apud nos post 4. 8. & 11. Lectionem: & sunt indicia exultantium Catechumenorum de proximo Baptismo, sed non sine timore; unde & Tractus, id est luctus, vocantur, Ruper. lib. 7. cap. 9.

16 Orationes indicant expectatio-nem & desideria sanctorum Patrum circa Redemptionem per Christi Re-surrectionem, Raban. lib. 2. c. 38. cas-que Celebrans dicit, ut in Missa, ma-nibus extensis, & secundum aliquos, sunt pars Missæ, ut dicemus.

^y Catechizent Catechumenos.] Ca-techizent, id est instruant, Catechume-nos, id est auditores, Raban. lib. 1. cap. 26. De ritu verò catechizandi pro Baptismo, vide Rituale Romanum Pauli V.

17 A Ministris illud obseruandum, vt, dum Celebrans Prophetias legit, assistant, sicut ad Introitum Missæ; quas & appellat Introitum Missæ hu-ius diei Hugo Victor. vbi suprà cap. 28. Dum ille Orationes dicit, stant post Celebrantem, unus post alium. Dia-conus dicit genuflectens ante alios, Flectamus genna; Subdiaconus sur-gens ante alios, Lenate; excepta vlti-

L 1 2 ma

268 Comment. in Rubr. Missalis. Pars IV. Tit. X.

ma Oratione, quia tres pueri, de quibus in ultima Prophetia, noluerunt genua flectere statuae Nabuchodonosor, ut alias diximus in *Sabbato Quartuor Temporum Adventus*, pag. 228. Celebrans autem numquam genuflectit, ut dictum est in *Rubr. general.*

18 Si sedere voluerit Celebrans post lectam in Altari Prophetiam, sedeat ad scannum consuetum, sed nudum,

20 His expletis, si Ecclesia habuerit fontem Baptismalem, Sacerdos bendicturus Fontem, accipit Pluviale violaceum, & præcedente Cruce, cum candelabris, & ² Cereo benedicto accenso, descendit cum Cle-ro & ministris paratis ad Fontem: & interim cantatur sequens
² Tractus: *Sicut cervus, &c.*

Baptismus significat mortem, sepulturam & resurrectionem Christi, Rom. 6. & idè potissimum hac die celebratur, Ruper. lib. 6. cap. 34.

² Cereo benedicto.] Portabitur Cereus ante Crucem, Cær. Episc. li. 2. c. 27.

21 Postea procedit ad benedictionem Fontis, dicens, manibus iunctis.

De Fontis usu antiquo Dion. de Eccl. Hierar. quem Matrem adoptionis vocat.

De consecratione eiusdem Clem. lib. 7. Conf. cap. 43. & Sidon. Apollin. lib. 4. Epist. 15. plura vide apud Baron. anno 132. & Durandum de Ritibus lib. 1. cap. 19.

22 Porro sex facit Sacerdos in hac benedictione Fontis, orat, manu tangit aquam, & format cruces; mutat vocem, suspirat, demittit & eleuat Cereum in aquam; infundit oleum & Chrisma, & commiscet.

23 Orat Deum, vt sit præsens tantis mysterijs, mouetque in Præfatione astantes in Deum, ad eundem finem, vt Deus audiat.

in latere Epistolæ. Eat autem per viam breuiores cum Ministris, & redat per longiorum cum debitis reverentij. ante medium Altaris. Nullo modo sedeat ad Altare: quod Episcopo tantum concedi debet.

19 Ordo legendi Prophetias hic erit, vt primas legant minores, postrem maiores, nisi aliud necessitas suadeat.

a *Tractus: Sicut cervus, &c.*] Est in Ordine Romano, cum quo concordat Oratio sequens, vt manifestè patet, & in Gregoriano legitur Sacramentario. imò & huius ritus meminit S. August. in Psal. 41.

24 Manu tangit aquam ter. Primò, diuidens in formam Crucis, & qua pendet effectus Baptismi. Secundò, tangit simpliciter, quia manu Sacerdotali opus est, etiam in Baptismo, ad fugandos dæmones. Tertiò, projiciens & effundens aquam versus quatuor mundi partes; quia Baptismus omnes homines attingit, non Circumcisio. Facit etiam manu varias Cruces super aquam, vt benedicatur à Trinitate per virtutem sanctæ Crucis.

25 Mutat vocem ter; primò, per modum Orationis; secundò, per modum Præfationis; tertius, per modum Lectionis; vt in Trinitate omnia fiant, & modò humilius, modò audentius Deus oretur.

26 Halæ

26 *Halat ter in modum Crucis, & sufflat ter in modum Ψ, vt cum Crucis Trinitatem coniungat; à quibus habet vim Baptismus, maiorem autem à Trinitate. Valet etiam insuffratio ad expellendos dæmones cum ignominia, qui leui flatu expelli queunt à Sacerdote.*

27 *Demittit Cereum in aquam, & eleuatter, profundè, profundius, profundissimè, vt Spiritus sanctus sua plenitudine Fontem implete; sicuti quando descendit in specie Columbae in Baptismo Christi, adumbrati in hoc Cereo demerso in aquam. Eleuatio autem eiusdem Cerei significat effectum Baptismi, qui confert gratiam eleuantem à peccato ad gloriam.*

28 *Infundit oleum & Chrisma, &*

commiscet, de quo etiam Dion. vbi super cap. 20. par. 2. vt indicetur coniunctio Christi per Baptismum cum populis Ecclesiae; aquæ multæ, populi multi: & Christi nomen, id est uncti, ab oleo & Chrismate deducitur. Ceterum ritus hic totus habetur in Ord. Rom. expositio vero sumpta est partim ab Amalar. lib. 1. cap. 25. partim ab Honorio in Gemma lib. 3. cap. 3 partim à Durando lib. 6. cap. 81.

29 *In eodem Ordine Romano iubetur, vt in Rubrica nostra, aspersio populi cum aqua Fontis ante infusionem olei; & eiusdem aquæ reseruatio, ad aspergendum in domibus, & alijs locis, ad munditiam Baptizatorum. de qua etiam Greg. Tur. lib. 1. de Glor. Mart. cap. 24.*

30 *Vbi vero non est fons Baptismalis, finita ultima Prophetia cum sua Oratione, Celebrans Casulam deponit, & b cum ministris ante Altare procumbit: & alijs omnibus genuflexis, c cantantur Litanie in medio Chori à duobus Cantoribus, utroque Choro idem simul respondentem. Cum autem peruentum fuerit d ad ψ. Peccatores, te rogamus. Sacerdos & ministri surgunt, & accedentes ad Sacristiam, induuntur paramentis albi coloris pro Missa solemniter celebranda: & interim e ascendunt luminaria in Altari. e In fine Litaniarum cantantur solemniter, Kyrie eleison, & repetuntur, vt in Missa moris est.*

b *Cum ministris.] Et hi quoque in albis procumbunt, ex communiori vsu Ecclesiarum Romæ: deponunt tamen Planetas plicatas paulò ante Peccatores, Cerim. Episc. lib. 2. cap. 27. quod etiam mihi magis placet. c usq[ue] coriacei dari possunt sub eorum capitibus, & Celebrantis.*

c *Cantantur Litanie.] Ita Ordo Romanus. Litanie, id est deprecations, Amalar. lib. 1. cap. 28. quibus significatur consortium Sanctorum cum numeris baptizatis, Raban. lib. 2. cap. 28.*

Hæ vero non inchoantur apud Fontem, sed apud Altare, Cerimon. Episc. lib. 2. cap. 28. Aliqui scripserunt, geminandum illud, Per sanctam resurrectionem tuam, sed nullo antiquo auctoritate, imo contra Bullam Pij V. quæ additiones prohibet.

d *Ad ψ. Peccatores.] Discedunt in Sacristiam, ut dicitur etiam in Missali Vatic. volum. 4743. si vicina est; aliquin in locum viciniorem & decentem post Altare. Omnino ante Altare nemo Episcopo inferior est vestiens,*

L 3. dus,

270 Comment. in Rubr. Missalis. Pars IV. Tit. X.

dus, licet sit loci superior: non enim est illi communicanda Episcopalis prærogatiua, nisi Mitra vtatur.

e Accenduntur luminaria.] Sacramentarium Gregor. & Ordo Romanus ad Agnus Dei accendi iubent; quia per Agnum Dei Christum lumen fidei communicatum est, Amalar. lib. 1.

cap. 30. sed & pallium violaceum remouetur ab Altari, ornatur Credentia suis necessarijs ad Missam solemnem, ut suprà dictum est.

f In fine Litaniarum cantantur, &c.] Monet Ordo Romanus, quod cantari debent ita tardè, vt Sacerdos & ministri queant procedere ad Altare.

31 Interim Sacerdos cum ministris in paramentis albis accedit ad Altare, & dicto Psalmo, Iudica me Deus, cum Gloria Patri, facit Confessionem, ut moris est, in loco consueto: deinde ascendens osculatur Altare, incensat more solito; & finitis à Choro Kyrie eleison, incipit solemniter, & Gloria in excelsis. & h pulsantur campane.

g Gloria in excelsis.] Habet Ordo Roman. & Sacrament. Gregor. Dicat autem priùs de more Celebrans cum ministris submissa voce, Kyrie eleison, nouies, Carim. Pap. lib. 2. sec. 1. cap. 57. & 60.

h Pulsantur campane.] Iubet Ordo Romanus pulsati ad Litanias; forte, vt populus vocaretur ad initium Missæ; Durandus cap. 85. ad Hymnum Angelicum. & conuenit, sicuti cœlauere in Hymno eodem Feria quinta.

Sed aduerre, ne maiores campanæ pulsentur, antequam signum datum fuerit in Cathedrali, seu Matrice Ecclesia, ex Decreto Concilij Lateranen-

sis Sessione 11. sub Leone X. sub poena Regularibus centum ducatorum; & sacra Rituum Congregationis die 21. Martij 1609. & eā tantum eo casu pulsabuntur, quæ sunt intra parietes Ecclesiæ. Dato deinde signo à Cathedrali, seu Matrice, dabitur etiam (licet detur longè post Gloria in excelsis) solemne signum ab omnibus alijs Ecclesijs cum campanis maioribus. Per Matricem intellige quoque Parochialem in Diœcesi; &, si plures sint Parochiales, eam, quæ alijs maior est dignitate: nam ante Matricem hanc non sunt pulsandæ à Confratribus campanæ, ex Decreto S. Rituum Congregationis die 9. Februar. 1608.

32 Postea Sacerdos dicit, Dominus vobiscum.

Quid Episcopus dicat, Pax vobis. ita Ordo Romanus, contra Durand. cap. 85.

33 Finita Epistola, Celebrans incipit, Alleluia, & totum decantat ter, eleuando vocem gradatim: & Chorus post quamlibet vicem in eodem tono repetit illud idem. Postea Chorus prosequitur, &c. Confemini, &c.

34 Alleluia cantatur in cornu Epistolæ, osculata priùs manu à Subdia-

cono, & dum cantatur, stant omnes, Carimon. Pap. loco cit. cap. 57.

Præce-

Præcedit *Alleluia Tractum, Ordo Roman. & Sacramentar. Gregor.* & ecce gaudium Paschale, sed non plenum, quia *Tractus luctum significat*, ut alias docuimus. Versus tamen *Confitemini* est de Psalm. 117.

cuius titulus est, *Alleluia, Rupert.* libro 7. cap. 11. est ergo lætitia in spe proxima, *Hugo Victorin. ubi supra libro 3. cap. 29. Versus & Tractus habentur in Antiphonario Gregoriano.*

35 *Ad Euangelium non portantur luminaria, sed tantum incensum: petitur benedictio, & alia fiunt de more.*

Tradit *Ordo Roman.* & significatur aromata mulierum ad monumentum sine lumine fidei; quia putabant Christum hominem mortuum, *Alcuin. De-*

natio aderat, fides obscura erat, Duran. loco cit. Euāgelium legitur à Celebrante in cornu Euāgelij, ut alias, post cantatum à se tertio *Alleluia.*

36 *Non diciturⁱ Credo, sed finito Euāgeliō Sacerdos dicit, Dominus vobis cum spiritu tuo. & postea, Oremus.¹ Non dicitur Offertorium.*

Hæc *Ordo Romanus.*

ⁱ *Credo.*] Quia nondum Apostoli credebant Resurrectionem Christi.

¹ *Non dicitur Offertorium.*] Quia mulieres sub silentio ibant cum aromatibus ad Sepulchrum, *Alcuin.* ne-

que habetur in *Sacram. Gregor.* Subdiaconus defert ad Altare vna cùm Calice bursam Corporalium. Ad Laudo dicitur *Gloria Patri.*

37 *De Communicantes, & Hanc igitur oblat.* vti etiam de Praefatione propria, vide *suprà in Rubr. Gen.*

38 *Dicitur, Pax Domini semper vobis. sed^m pacis osculum non datur. ⁿ Agnus Dei non dicitur, nec^o Postcommunio: dicuntur tamen tres consuetæ Orationes ante Communionem.*

^m *Pacis osculum non datur.*] *Ord. Roman.* quia nondum dixerat Christus Apostolis, *Pax vobis.*

ⁿ *Agnus Dei.*] *Ordo Rom. & Sacrament. Greg.* inquit *Alcuin.* ob silentium mulierum nondum credebatur Christus redemptor animarum ad tollenda peccata mundi, *Durand. cap. 85.*

^o *Postcommunio.*] Hæc omittitur, quia in hac Missa communicabant,

tempore nimirum Durandi, introducta etiam tunc noua consuetudine celebrandi hanc Missam manè; sed in die sequenti communicabant tum Catechumeni, tum alij, quod nota (contra quosdam: qui gratis oppositum scripserunt) ne communicet alias à Celebrante in hac Missa noctis vel Vesperiæ. Sunt vice ^p. *Communio & Postcommunio*, vt scribit *Duran. loc. cit.*

39 *Post sumptionem Sacramenti, p. pro Vesperis in Choro cantatur Antiphona, Alleluia, alleluia, alleluia, & Psalmus, Laudate Dominum omnes*

omnes gentes, cum Gloria Patri in fine, & post repetitur eadem Antiphona. Capitulum, Hymnus & Versus non dicuntur, sed statim Celebrans in cantu incipit Antiphonam ad Magnificat.

Non deponitur à Celebrante Casula, vt assumat Pluuiale, quod aliquando fecere perperam nonnulli; quia sonduum est finita Missa.

p *Pro Vesperis.*] Hoc Sabbatum propriè non habet Officium, ex Augustin. & Alcun. & quæcumque hic habentur pro Vesperis, eadem sunt in Ord.

Romano. Si habet Officium, hoc terminatur in Vespera, non in Missa, vt sine fine laudetur Christus, qui morte sua nos redemit, Duran. ibidem. Sed verius finitur Officium in Missa cum *Ite Missa est.* quæstio est de nomine. Porro Antiph. *Alleluia* conuenit, vt inchoetur à digniori qui est in Choro.

40 Deinde cantatur Magnificat, cum Gloria Patri in fine, & fit incensatio, & ut aliæ in Vesperis. Repetita Antiphona, Celebrans dicit: Dominus vobiscum.

Ministri cum Celebrante dicunt Psalmum & Magnificat in cornu Epistolæ, vt stant ad Introitum Missæ.

q *Vt aliæ.*] Incensatio item fit eodem modo quo initio Missæ, sed præterea incensantur alij in Choro.

41 Extra Chorum dicuntur Vespere, vt in Breuiario adnotatum est: & nos in Commentarijs Rub. Breuiarij opportuniùs de his dicemus.

42 Ad Orationem ultimam usque ad finem omnino seruatur omnia quæ in fine Missæ aliæ præscripta sunt.

43 Peracta Missa, queritur, An aliæ Missæ celebrari queant; *Microlog.* cap. 53. concedit, si necesse fuerit, & à Litania incipere docet, omissis Lectionibus, inquit, auditis. Negant *Nauarr.* cap. 25. num. 88. & *Francolin.* tractat de Temp. Hor. Canon. cap. 30. num. 2. & 9. quia usu receptum est, vt unum tantum Sacrificium fiat solemne. Nullusque est Introitus, vt in Sabbato Pentecostes; nisi dicas cum *Hugone supra.* Lectiones omnes habere vicem Introitus: unde & Sacerdos habet Casulam tunc, & iubetur eas legere

submissa voce ad Altare. *Sotus* in 4. distinç. 13. quæst. 2. artic. 2. concedit hac lege, vt celebretur Superioris concessu & auctoritate: sed *Azor*, qui lib. 10. cap. 24. quæst. 4. omnino negat, ex cap. *Sabbato.* distin. 3. de Confec. ubi dicitur, biduo hoc Sacramenta penitus non celebrari, cōcedit à Superiori dari posse licentiam tantum, quando iusta ad sit causa. Pura, quia multi sunt, qui commodè eo die Sacrificio publico interesse non possunt: quod accidere potest, quando Festum Annuntiationis incidit in Sabbatum sanctum, & tunc de licentia Superioris celebrari posset, aliæ non, & nennisi post inchoatum saltēm soleme Sacrificium, depositoque luctu & mœrore Ecclesiæ.

44 Quo casu forcè sufficit incipere à Confessione, qua finita, dicat Sacerdos, *Kyrie eleison*, de more, & reliqua cum Vesperis usque ad finem Missæ: nam *Gemma* lib. 3. cap. 118. ait Officium huius Missæ per *Kyrie eleison* inchoari; nisi pro *Kyrie eleison* intelligat cum *Micrologo* Litaniam. Volunt aliqui,

aliqui, non dici Vespertas in hac priuata Missa, & pro *v. Communio*, dici Antiphonam tantum ad *Magnificat*, hoc est, *Vespere autem Sabbati*, &c. & statim Orationem: sed fugiendus est hic casus, non decidendus.

45 Tutiorem autem arbitror sententiam *Nauar. & Francolin.* eamque conformiorem cap. *Sabbato*, ut non celebretur nisi vnicula Missa, quæ noctis est; & sub initio noctis dicebatur tempore sancti Thomæ, in 4. dist. 13. quæst. 1. Festi verò, cuius Officium transfertur, nulla prorsus, quod ad Missam attinet, haberi debet ratio: & multò minùs votiva Missa dici debet etiam pro re graui.

46 Idem dicetem de Communione Cleri, seu laicorum, in Festo Annuntiationis in Sabbato sancto; quod non debent alij communicare in Missa, quæ noctis est, & ideo non dicitur *Communio*, ut suprà adnotauit.

47 De Cereo accendendo in tempore Paschali nihil inuenio apud antiquos, nisi quod ex *Ordine Romano & Microl. cap. 53.* in Octauis Paschæ distribui solitus fuit Cereus hodie benedictus: ergo non ultra Octauam Paschæ ardebat. In *Annal. Minorum Lucae VVaddingi* decretū fuit anno 1263. quod in *Ordine Minorum* Cereus Paschalis remaneret usque ad Ascensionem Domini, & accenderetur in Missis, saltem diebus Feliuis. Sacra Rituum Congregatio 19. Maij 1607. censuit, regulariter accendi debere ad

Missas & Vespertas solemnes in triduo Paschatis, in Sabbato in Albis, & Dominicis usque ad Ascensionem, in alijs seruandam esse consuetudinem locorum.

48 Romæ varia est consuetudo. A peritioribus hæc laudatur, vt à latete Euangelij ille ardeat à Sabbato sancto usque ad Dominicam in Albis inclusuè; quia est vnicum Resurrectionis Festum, ex *Ordine Romano*, ad Missam, & ad omnes Horas. Præterea diebus Dominicis, à primis Vesperris usque ad secundas & Completorium inclusuè, ad Missam, & Horas; quia Dominica est repetitio Festi Resurrectionis Christi, etiam per annum, nedum Paschali tempore. quem ritum tradit *Samarinus in Thes. Sacerdotali, tit. de Cereo Pasch.* nimis ad utrasque Vespertas, & Missam Dominicæ, & in Ascensione ad omnes Horas, usque ad Euangelium Missæ. Quod si dicatur Missa Parochialis, seu Conuentualis non solemnis, ad eam item die Dominico accendi potest.

49 Postremò, à primis Vesperris Ascensionis Domini usque ad finem Euangelij Missæ solemnis, seu Parochialis, seu Conuentualis non solemnis, in alijs diebus numquam.

50 Candelæ tres, de quibus suprà, in arundine positæ non ultra Vespertas Sabbari sancti ardere debent: alioquin gratis ardebunt, & sine causa.

De die sancto Paschæ usque ad Festum Trinitatis. XI.

Nobilitas anni, mensis decus, alma dierum, splendor horarum, est Pascha, ex *Ruper. lib. 6. cap. 26.*

Pascha, id est transitus, ex vi nominis Hebræi, apud *Iisd. lib. 1. cap. 31.* vel passio, à Græco verbo πάσχειν, apud

M m

Inno-